

տերազմելով թե՛ Բեդիր-խան բեկի եւ թե՛ իմ հօր եղբօր՝ Խան-Մահմուդի հետ, նա երկուսին էլ յաղթեց, երկուսին էլ ձերբակալեց եւ յետոյ յանձնեց Օսման փաշայի ձեռքը: Երկուսին էլ իրանց ընտանիքների հետ տարան Ստամբուլ, այնտեղ բանտարկեցին. յետոյ Բեդիր-խան-բեկին աքսորեցին Կրետե կղզին, իսկ իմ հօր եղբօրը՝ Խան-մահմուդին, իր ընտանիքի հետ աքսորեցին Սիլիստրե: Եւ այսպէս Մելիք-Միսաքը առեց իր վրեժը:

Վերջին խօսքերը արտասանեց ծերունի քուրդը մի առանձին դառնութեամբ: Մենք ամենքս միմեանց երեսին նայեցինք. մենք դարձեալ լսում էինք մի ծանօթ անուն, բայց ինձ գոնէ անծանօթ պատմութիւն:

– Այդ կռիւների մէջ, – ասելացրեց նա, – ես ստացայ այն վերքերը, որ բոլորովին անդամալուծեցին ինձ եւ այն օրից այս երկու փայտերի վրայ եմ ման գալիս: Յետոյ եկաւ օսմանցին, այդ բերդը քարուքանդ արեց եւ մեր տոհմի բոլոր նշանաւոր քաջերին մաշեց բանտերի մէջ: Ինձ ինչայեցին, որպէս արդէն անպէտք եւ կիսամեռ մարդու...

Խան-մահմուդին եւ Բեդիր-խան-բեկին նոստելուց եւ նրանց աքսորելուց յետոյ, իրաւ է, քրդական բռնապետութեանը վերջ տրոճեցաւ արեւելեան Ջայաստանում եւ մանաւանդ Տարօնի եւ Վասպուրականի նահանգներում, եւ օսմանցոց իշխանութիւնը այդ ժամանակից ասելի հաստատոճեցաւ այդ կողմերում: Բայց ինձ ուրախացնում էր այդ պատմութեան այն մասը, որ յիշեալ երկու գազանների անկումը կատարուել էր մի հայ հերոսի ձեռքով, այն հայի, որ մեր ամենի դաստիարակը եւ սիրելին էր: Դա էր Պարսկաստանում հասարակ որսորդի անուան տակ ծածկուած խորհրդաւոր մարդը՝ Աւօն, որի իսկական անունը Մելիք-Միսաք էր, որը բոլորից թաքցրած ունէր, թե՛ իր գործերը, թե՛ իր անցեալ մեծութիւնը եւ թե՛ իր ո՛վ կամ ի՛նչ մարդ լինելը:

Ես չեմ մոռացել, ընթերցող, բայց դու եւս յիշո՞ւմ ես այն ցաւալի պատմութիւնը, որ Ս. Տիրամօր տօնախմբութեան ժամանակ, իր վրանում, իմ քեռի Պետրոսը պատմում էր Որսորդի կեանքից: Նա ասում էր, որ Որսորդը հասարակ մարդ չէ, թէ նա Սասունի եւ Մոզաց երկրի զօրաւոր մելիքն է եղել, թէ այնտեղ ունեցել է իր սեփական բերդը, պատմում էր, թէ ինչպէս հայ տաւուտերերը, միացած իրանց հոգեւոր առաջնորդի հետ, դաւաճանում են նրան, մատնելով մի «բուրդ իշխանի» ձեռքը, պատմում էր, որ դաւադրութեան ժամանակ նշանակուում է Չատկի աւագ շաբաթ գիշերը, եւ երբ Մելիքը իր ընտանիքով բոլորել էր ճրագալոյցի սեղանի շուրջը, յանկարծ նրա ամրոցը պաշարուում է բազմաթիւ թշնամիներով: Նրա ամրոցը հրդեհում են, ընտանիքը կոտորում են, այդ միջոցին կրակի եւ արեան միջից յափշտակում է հաւատարիմ Մըհեն իր վիրաւորուած տիրոջը եւ, իր հզօր ուսերի վրայ բար-